

Keuluaran 35:31 Awaknyan geubri buet nyang ahli nibak meubagoe buet nyang jipeubuet lé ahli meu-uke, peurancang, ahli ceumeucob ija lineun halöh, ija wol ijo, ungu dan mirah, dan ija nyang laén. Awaknyan na kheueh peurancang nyang ahli dan hase jipeubuet meubagoe rupa buet.

Teubileueng 11:25 Laju TUHAN geutreun di lam awan dan geupeugah laju ubak Nabi Musa. TUHAN geucok laju siladum nibak kuasa nyang ka geubri ubak Nabi Musa dan laju geubri atranyan ubak bantujoh ploh droe peumimpén nyan. Bak watée Roh TUHAN nyan geutreun u ateueh awaknyan, jipeuphon kheueh awaknyan jimeuhöi lagée nabi meuhöi teuma hana treb.

1 Samuel 10:6 Bak saát nyan cit teuma gata geukuasa lé Roh TUHAN dan gata teuma taseutôt meunari deungon kliek awaknyan, laju gata geubri sifeuet barô akhé jih jeuet keu manusia laén.

2 Samuel 23:2 Roh TUHAN ka geupeugah meulalu ulôn; peusan dan amanat Gobnyan na nibak bibi ulôn.

Ayub 33:4 Roh Po teu Jehovah ka geucebta ulôn dan geubri udeb ubak ulôn.

Nabi Yesaya 11:2 Dan trang meucahya keugata lagée mata uroe beungoh, dan luka-luka gata teuma bagaih puléh. Ulôn na meusajan gata keu Lôn peuseulamat gata. Deungon na Ulôn teuka gata teulindong nibak rot toh mantong teuka bahya.

Mikha 3:8 Teuma keuhai droe ulôn nyoe, TUHAN ka geupasoe ulôn deungon roh Gobnyan dan kuasa Gobnyan. Ubak ulôn geubri peungeurtian keuhai keuadelan, dan meunan cit keubeuranian keu lôn peugah ubak ureuëng Israel desya-desya nyang ka jipeubuet.

Zakharia 4:6 Malaikat nyan geuyue ulôn jak peusampoe ubak Zerubabel peusan TUHAN nyoe, "Bukon deungon teunaga tantra dan bukon teuma deungon teunaga gata keudroe gata meuhase, teuma na kheueh deungon Roh Ulôn.

Matius 12:28 Teuma Ulôn use roh jeuhet deungon kuasa Roh Jehovah. Dan nyan na kheueh sibagoe tanda bahwa Jehovah ka geupeu phon mat peurintah lamkawan geutanyoe.

Matius 28:19 Sabab nyan jak kheueh ubak mandum bansa nyang na ateueh donya, peujeuet kheueh awaknyan keumurit-murit Ulôn. Pumanö kheueh awaknyan deungon gata teuôh nan Bapak, Aneuëk, dan Roh Jehovah.

Markus 1:10 Meunan Isa geuteungoh lam krueng nyan, deuh laju geungieng langét teuhah dan Roh Jehovah geutron lagée cicém mirah pati u ateueh Gobnyan.

Markus 13:11 Dan meunyoe gata jidrob dan jiba ubak kantô mahkamah agama, bék gundah keuhai peue nyang teuma gata peugah. Meunyoe ka troh watée jih keu gata peugah haba, peugah laju peue nyang teupeugah

ubak gata óh troh bak watée jih. Sabab tutoe haba nyang gata peugah nyan bukon haba gata keudroe, teuma atra nyan teuka nibak Roh Jehovah.

Lukas 2:26 dan Roh Jehovah ka lheueh geubri téé ubak gobnyan bahwa gobnyan hana maté sigohlom geukalon Raja Peuseulamat nyang ka geupeu janji lé Tuhan.

Lukas 4:1 Isa ka geukuasa lé Roh Jehovah watée Gobnyan geuttinggai Krueng Yordan. Roh Jehovah nyang pimpén Gobnyan u padang pasi.

Lukas 4:18-21 "Roh Tuhan na bak Ulôn, sabab Gobnyan ka geubaiát Ulôn keu lôn jak peusampoe Haba Gét keu ureuëng gasien. Gobnyan ka geu-utus Ulôn mangat lôn peumaklum haba peubeubaih keu ureuëng nyang na didalam glab dan geuyue peupuléh ureuëng nyang buta; geuyue peubeubaih ureuëng nyang teuseksa 19 dan geuyue peusampoe saát jih Tuhan teuka geujak peuseulamat umat Gobnyan." 20 Óh ka lheueh geubeuet kitab nyan, Isa laju geugulong lom lagée sôt teuma, dan geujok laju ubak peutugaih, dan óh lheuehnyan laju geuduek. Banmandum ureuëng nyang na lam rumoh iébadat nyan jingieng ateueh Gobnyan. 21 Dan Isa laju geupeu phon mariet ngon awaknyan lagée nyoe, "Ayat-ayat Alkitab nyang ban lheueh ulôn beuet nyan nibak uroenyoe ka teupeupeunoh saát gata deungoe watée ulôn beuet bunoe."

Lukas 12:11,12 Meunyoe gata jiba u rumoh-rumoh iébadat keu jijak ba lam sidang dikeue peumeurintah atawa nyang mat kuasa, bék kheueh sosah até gata pakriban gata harôh tabila droe atawa peue nyang harôh gata peugah. 12 Sabab peue nyang harôh gata peugahnyan teuma geupurunoe lé Roh Jehovah ubak gata óh trok bak watée."

Yahya 7:38,39 Keuhai ureuëng nyang meuiman bak Ulôn, na teutuléh lam Alkitab, 'Lam até ureuëng nyan ji-ile ié nyang teubri udeb.' " (39 Isa geum-eututoe keuhai Roh Jehovah, nyang teuma jiteurimong lé ureuëng-ureuëng nyang meuiman ubak Gobnyan. Sabab, bak watée nyan Roh Jehovah gohlom geubri; sabab Isa gohlom teupeumulia deungon maté Gobnyan.)

Yahya 14:16,17 Ulôn teuma Lôn lakée bak Bapak, dan Gobnyan geubri keu gata nyang Tulóng Iaén, nyang teuma tinggai meusajan gata keu siumu masa. 17 Geuhnyan na kheueh Roh Jehovah nyang teuma peugah keuhai Po teu Jehovah nyan beuna. Donya hana hase jiteurimong Geuhnyan, sabab hana jikalon atawa hana jituri. Teuma gata taturi Geuhnyan, sabab Geuhnyan tinggai meusajan gata dan teuma meusaboh ngon gata.

Yahya 14:26 Teuma Roh Jehovah, nyang tulóng nyang teuma geu-utus lé Bapak ateueh nan Ulôn, Gobnyan kheueh nyang teuma peurunoe gata banmandum dan geupeuingat gata keu banmandum nyang ka lheueh Ulôn bri keu gata.

Yahya 16:7,8 Teuma Ulôn peugah nyang beutôi bak gata: Leubeh gét nibak gata, meunyoe ulônjak; sabab meunyoe Ulôn hana lônjak, Nyang tulóng nyan hana teuka bak gata. Teuma meunyoe ulônjak, Ulôn teuma lôn utus

Gobnyan ubak gata. 8 Meunyoe Gobnyan teuka, Geuhnyan teuma geupeugah bak donya makna nyang sibeuna jih nibak desya, nibak peue nyang sibeuna jih, dan nibak huköman Po teu Jehovah.

Yahya 16:13-15 Teuma meunyoe Rohnyan teuka, na kheueh Gobnyan nyang peugah keubeunaran keuhai Jehovah, gata teuma geubimbéng keu taturi banmandum keubeunaran. Gobnyan hana geumeututoe nibak droe Geuh keudroe teuma geupeugah peue nyang ka geudeungoe, dan Gobnyan teuma geupeugah bak gata peue nyang teuma teujadi óh uroe dudoe. 14 Gobnyan teuma geupeu mulia Ulôn, sabab peue nyang geupeusampoe bak gata, geuteurimong nibak Ulôn. 15 Banmandum nyang na bak Bapak na kheueh atra Ulôn. Nyang kheueh sabab jih ulôn peugah bahwa peue nyang jipeutrok lé Roh ubak gata, geuteurimong atranyan nibak Ulôn."

Yahya 20:21,22 Dan Isa laju geupeugah bak awaknyan sigoteuk, "Assalamuálaikum. Lagée Bapak nyang ka geu utus Ulôn, meunan cit teuma Ulôn utus gata." 22 Laju Gobnyan geuyueb nafáh Gobnyan ubak awaknyan dan geupeugah, "Teurimong kheueh Roh Jehovah.

Kisah Rasui-Rasui 1:2,5,8 sampoe bak uroe Gobnyan teubeuôt lam syeuruga. Sigohlom Gobnyan geu-ék lam syeuruga, deungon kuasa Roh Jehovah Gobnyan geubri peutunyok-peutunyok bak Rasui-rasui Gobnyan nyang teupiléh. 5 Sabab Yahya geuseumanö ngon ié, teuma na padub uroe teuk gata geuseumanö ngon Roh Jehovah." 8 Teuma gata meuteumé kuasa, meunyoe Roh Jehovah ka teuka ubak gata. Dan gata jeuet keu saksi-saksi keu Ulôn di Yerusalem, bansaboh Yudea, di Samaria dan sampoe u ujung bumoe."

Kisah Rasui-Rasui 2:1-4 Watée ka trok bak uroe Pentakosta, mandum ureuëng meuiman meusapat bak saboh teumpat. 2 Ngon hana jisangka-sangka teudeungoe su nibak langét lagée angén teuga nyang teungoh jipôt. Rumoh bak teumpat awaknyan teungoh jiduek bansaboh rumoh nyan ka peunoh ngon su nyan. 3 Laju jikalon lé awaknyan lidah-lidah lagée apui hu jimeue-ho-homantong dan laju jidong atueh awaknyan maséng-maséng. 4 Awaknyan banmandum ka jikuasa lé Roh Jehovah, dan laju jimarit lam meubagoe rupa basa. Awaknyan jimeututoe meunurot peue nyang jipeugah lé Roh nyan bak awaknyan keu jipeugah.

Kisah Rasui-Rasui 2:17-19 Jehovah meufeureuman, 'Bak akhé jamén Ulôn teuma Lôn bri Roh Ulôn keu mandum manusia. Aneuék-aneuék gata nyang agam dan aneuék-aneuék gata nyang inong teuma jibritée bak gata keuhai-hai nyang Ulôn peugah bak awaknyan. Ureuëng-ureuëng muda gata teuma jikalon hai-hai nyang Ulôn peuleumah bak awaknyan. Ureuëng-ureuëng tuha gata teuma mulumpo keuhai lumpo nyang Ulôn bri keu awaknyan. 18 Keu namiet-namiet Ulôn pih -- bah kheueh nyang agam meunan cit nyang inong --, teuma Ulôn bri Roh Ulôn nibak uroe-uroe nyan. Awaknyan teuma jibri téé hai-hai nyang Ulôn bri téé keu awaknyan. 19 Ulôn teuma Lôn peuna buet-buet nyang ajaéb di atueh jéh nyang na di langét, dan hai-hai luwa

biasa dimiyueb nyang na disinoe, bumoe; teuma na darah dan apui, uab dan asab. (Yoël 2:28,29)

Kisah Rasui-Rasui 2:33 Gobnyan teuangkat nibak keududuekan nyang man yang dan geubri keukuasaan lé Jehovah, laju geuteurimong Roh Jehovah nyang ka geupeu janji lé Bapak. Dan nyang gata deungoe bak saátnyoe dan gata kalon na kheueh Roh nyan nyang Gobnyan bri keu kamoe.

Kisah Rasui-Rasui 2:38 Geujaweeub lé Petrus, "Meutobat kheueh nibak desya-desya gata. Dan bah kheueh gata maséng-maséng teupumanö ateueh nan Isa, mangat mandum desya-desya gata teupeue amphon. Teuma gata mandum tateurimong Roh Jehovah nibak Po teu Jehovah.

Kisah Rasui-Rasui 4:31 Óh ka seuleusoe awaknyan jimeudoá, teumpat awaknyan meusapat nyan meuguncang. Awaknyan mandum jikuasa lé Roh Jehovah, dan jipeuphon mariet ngon beurani that-that keuhai beurita nibak Po teu Jehovah.

Kisah Rasui-Rasui 8:15-17 Watée Petrus dan Yahya ka trok keunan, awaknyan laju meudoá keu ureuëng-ureuëng Samaria nyan mangat awaknyan meuteumé Roh Jehovah, 16 sabab, Roh Jehovah gohlom teuka geukuasa ateueh awaknyan meusidroe pih; awaknyan ban teupumanö ateueh nan Tuhan Isa. 17 Laju Petrus ngon Yahya geupeuduek jaroe geuhnyan ateueh ureuëng-ureuëng Samaria nyan; ngon lagée nyan awaknyan ka jiteurimong Roh Jehovah.

Kisah Rasui-Rasui 8:39 Watée awaknyan jiteubiet nibak lam ié, Roh Jehovah laju geucok Filipus nibak teumpat nyan. Peugawée rayeuk nibak Etiopia nyan hana deuh le jikalon gobnyan. Ngon até that-that galak peugawée nyan laju jijak lom teuma. (1 Raja-Raja 18:12)

Kisah Rasui-Rasui 9:31 Ngon lagée nyan jeumaáh nyang na bansaboh Yudea, Galilea, dan samaria ka jeuet keu aman. Geutulông lé Roh Jehovah, ngon teumakot ubak Tuhan, jeumaáh-jeumaáh nyan meutamah teuga lom meutamah le.

Kisah Rasui-Rasui 10:44,45 Watée Petrus mantong jipeugah haba, Roh Jehovah geutreun dan geukuasa mandum ureuëng nyang deungoe haba nyan. 45 Ureuëng-ureuëng Yahudi nyang peucaya ubak Isa dan jiseutôt Petrus phon nibak Yope, mandum hireuen watée jikalon bahwa Jehovah geubri cit Roh Gobnyan keu ureuëng-ureuëng bansa Iaén nyang bukon bansa Yahudi.

Kisah Rasui-Rasui 11:15 Dan bak watée ulôn teungoh peugah haba lagée nyan," meunan kheueh Petrus geupeugah lom calitra gobnyan, "Roh Jehovah geutron ateueh awaknyan, saban lagée nyang teujadi ateueh geutanyoe ilée yoh awaiphon.

Kisah Rasui-Rasui 13:52 Murit-murit di Antiokhia lumpah that galak dan jikuasa lé Roh Jehovah.

Kisah Rasui-Rasui 19:6 Dan watée Paulus geukeubah jaroe geuh ateueh

**awaknyan, Roh Jehovah laju jikuasa ateueh awaknyan, laju awaknyan
jimarit lam mubagoe basa dan jipeusampoe haba nibak Po teu Jehovah.
Kisah Rasui-Rasui 20:23 Nyang ulôn teupeu bahwa bak tieb-tieb banda, Roh
Jehovah ka deungon teugaih geubri tée ubak ulôn, bahwa ulôn teuma lôn
tamong lam glab dan teuma meudeurita.**

**Roma 5:5 Harapan nyang lagée nyoe hana teuma keucewa geutanyoe, sabab
lam até geutanyoe ka geupasoe lé Po teu Jehovah ngon geunaséh
Gobnyan. Jehovah geupeubuet nyan ngon peurantaraan Roh Gobnyan,
nyang ka geubri keu geutanyoe.**

**Roma 8:9 Teuma gata hana udeb meunurot tabiat manusia. Gata udeb
meunurot Roh Jehovah -- meunyoe, teuntée jih, Roh Jehovah biet-biet
geumat peuranan lam tuboh gata. Ureuëng nyang hana bak jih Roh
Almaseh, ureuëng nyan bukon kheueh atra Almaseh.**

**Roma 8:13-16 Sabab meunyoe gata udeb meunurot tabiat manusia, teuma
gata maté; teuma meunyoe ngon kuasa Roh Jehovah, gata hana piöh
tapeumaté buet-buet gata nyang meudesya, ngon lagée nyan gata teuma
udeb. 14 Ureuëng-ureuëng nyang geubimbéng lé Roh Jehovah, na kheueh
aneuëk-aneuëk Jehovah. 15 Sabab Roh, nyang geubri lé Jehovah ubak
gata, hana kheueh teupeujeuet gata jeuet keu namiet sampoe gata udeb
lam keuadaan teumakot. Nyang beuna Roh Jehovah nyan teupeujeuet gata
keu aneuëk-aneuëk Jehovah. Dan ngon kuasa Roh Jehovah nyan tanyoe
tapeugah keu Jehovah nyan, "Bapak, nyoe Bapak lôn!" 16 Roh Jehovah
meusajan-sajan ngon roh geutanyoe jipeugah bahwa tanyoe na kheueh
aneuëk-aneuëk Jehovah.**

**Roma 8:26 Meunan cit ngon Roh Jehovah teuka geujak tulong tanyoe
meunyoe tanyoe leumoh. Sabab geutanyoe hana tateupeue pakriban nyang
sibeuna jih tanyoe meudoá; Roh nyan keudroe meuhadab Jehovah keu jijak
lakée keu geutanyoe ngon meucen nyang leupah Ihok sampoe hana hase
jipeugah.**

**Roma 15:13,19 Jehovah na kheueh teumpat gata meuharab. Seumoga
Gobnyan geugaséh até gata ngon sigala suka cita dan seujahtera sabab
gata meuiman ubak Gobnyan, mangat kuasa Roh Jehovah gata maken
meuharab ubak Jehovah. 19 nyang meusajan ngon buet-buet nyang ajaéb
dan hai-hai nyang luwabiasa; banmandum nyan ngon kuasa lé Roh Jehovah.
Haba Gét keuhai Almaseh ka ulôn peusampoe banmandum ubak ureuëng-
ureuëng, phon di Yerusalem trok u Ilirikum.**

**1 Korintus 2:10-13 Teuma Jehovah ka geupeugah nyan bak geutanyoe ngon
peurantaraan Roh Gobnyan. Roh Jehovah nyan jiseulidek peue-peue
mantong, sampoe ubak reuncana-reuncana Jehovah nyang paleng teusöm.
11 Sabab nyang leubeh teupeu asoe até sidroe-droe ureuëng na kheueh roh
ureuëng nyan keudroe, nyoe peukon? Meunan cit keuhai Jehovah. Nyang
teupeu asoe até Jehovah na kheueh Roh Jehovah keudroe! 12 Dan keugeu-**

tanyoe hana geubri roh donya nyoe, teuma na kheueh Roh nyang teuka nibak Jehovah, mangat tanyoe tateupeue mandum nyang ka geuanugeurah lé Po teu Jehovah keugeutanyoe. 13 Sabab nyan, meunyoe kamoe peugah keuhai-hai Jehovah ubak ureuëng-ureuëng nyang ka na Roh Jehovah, kamoe hana kamoe peugah meunurot keubijaksanaan manusia, teuma na kheueh meunurot nyang geupurunoe lé Roh Jehovah nyan keudroe.

1 Korintus 3:16 Peu kheueh Gata teupeu bahwa gatanyoe Baét Jehovah? Dan bahwa Roh Jehovah tinggai lam gata?

1 Korintus 6:11 Na meupadub droe lamkawan gata yoh ilée na nyang peubuet lagée nyan. Teuma jinoenyoe gata teupeugah ka gleh nibak desya. Gata ka jeuet keu milék Jehovah nyang khusos. Gata ka gét lom teuma ngon Jehovah, sabab gata meuiman ubak Tuhan Isa Almaseh dan kareuna kuasa Roh nibak Jehovah geutanyoe.

1 Korintus 12:3 Gata meuseuti tateupeue bahwa ureuëng-ureuëng nyang geupimpén lé Roh Jehovah hana hase jipeugah, "Teukutok kheueh Isa!" Meunan cit teuma hana meusidroe pih nyang hase jipeugah, "Isa kheueh Tuhan!" meunyoe ureuëng nyan hana jipimpén lé Roh Jehovah.

2 Korintus 3:17 Nyan, Tuhan nyang teupeugah disinoe na kheueh Roh. Dan dipat mantong Roh Tuhan na, nibak teumpat nyan pih na keumeurdehkaan.

2 Korintus 13:14(13) Tuhan Isa Almaseh geubri beureukat keu gata, Jehovah geugaséh gata, dan Roh Jehovah na meusajan gata banmandum teuma! Horeumat kamoe, Paulus.

Galatia 4:6 Sabab gata na kheueh aneuëk-aneuëk Jehovah, Jehovah geuyue Roh Aneuëk Gobnyan jitamong lam até Gata dan até ulôn, nyan kheueh Roh nyang jimeuhôi, "Bapak, oe Bapak lôn."

Efesus 1:13,14 Gata pi ka jeuet keu umat Jehovah watée gata deungoe peusan Po teu Jehovah, na kheueh Haba Gét nyang teubri seulamat keugata. Gata meuiman ubak Isa Almaseh, sabab nyan Jehovah geubri tanda milék Gobnyan keugata, na kheueh Roh Gobnyan nyang ka geupeu janji nyan. 14 Roh nyan kheueh sibagoe jaminan bahwa geutanyoe tateurimong peue nyang ka geupeu janji lé Po teu Jehovah ubak umat Gobnyan. Nyoe teubri keuyakénan ubak geutanyoe bahwa Po teu Jehovah teuma geupeubeubaih umat Gobnyan. Teupujoe kheueh Jehovah sabab keuagongan Gobnyan!

Efesus 2:18 Ngon peurantaraan Almaseh, geutanyoe mandum -- bah kheueh ureuëng Yahudi meunan cit nyang bukon Yahudi -- lé Roh Jehovah nyang saboh, jeuet tapeurab ubak Bapak.

Efesus 4:30 Bék kheueh sampoe tapeuseudeh até Roh Jehovah. Keugata ka geuboh materai ngon Roh, jeuet keu milék Jehovah. Roh nyan cit teuma ka jeuet keujaminan bahwa Uroe Peubeubaih teuma teuka keu gata.

1 Tesalonika 4:8 Ureuëng nyang tulak peue nyang teupurunoe nyoe, kon jitulak manusia, teuma nyang jitulak na kheueh Jehovah nyang ka geubri Roh Gobnyan nyang suci keugata.

1 Tesalonika 5:19 Bék kheueh gata keukang Roh Jehovah.

2 Tesalonika 2:13 Syedara-syedara nyang geugaséh lé Tuhan! Sabe kamoe peugah teurimong gaséh ubak Po teu Jehovah keuhai gata, sabab yoh awaiphon Jehovah ka geupiléh gata keu geupeuseulamat. Hai nyan teujadi lé peue nyang jipeubuet lé Roh Jehovah keugata keu teupeujeuet gata umat Jehovah nyang gleh dan lé sabab gata tapatéh ubak haba nyang beutöi nyang teuka nibak Jehovah. (1 Petrus 1:2)

Titus 3:5,6 Gobnyan geupeu seulamat tanyoe, kon lé sabab tanyoe ka tapeubuet sapeue-peue buet nyang gét, teuma na kheueh Gobnyan keudroe keugeunaséh keu geutanyoe. Gobnyan geupeu seulamat tanyoe meulalu Roh Jehovah, nyang geubri bak geutanyoe lahé barô deungon cara geurhah geutanyoe. 6 Jehovah geuprée Roh Gobnyan atueh geutanyoe deungon peurantara Isa Almaseh, Raja Peuseulamat geutanyoe,

Ibrani 2:4 Disampéng nyan, Jehovah ka geupeukong keubeunaran keusaksian ureuëng-ureuëng nyan deungon cara jipeuna mubagoe rupa buet-buet nyang ajaéb dan hai-hai nyang luwabiasa dan jibagi-bagi meuneubri-meuneubri nibak Roh Jehovah meunurot keuheundak jih keudroe.

Ibrani 10:15 Keuhai nyan Roh Jehovah pi na geumeusaksi keugeutanyoe. Roh Jehovah geupeugah,

1 Petrus 1:1/2 Syedara-syedara nyang umat piléhan Jehovah, nyang na bansaboh daerah Pontus, Galatia, Kapadokia, Asia dan Bitinia! Ulôn, Petrus, rasui Isa Almaseh, meuharab seumoga Po teu Jehovah geubri beureukat dan seujahtera atueh gata ngon meulimpah-limpah. Gata teupiléh jeuet keu umat Jehovah nyang sisuai ngon reuncana Jehovah Bapak. Dan Roh Jehovah ka geupeujeuet gata keu umat nyang suci, khusos keu Po teu Jehovah, mangat gata taát ubak Isa Almaseh dan geupeu suci ngon darah Gobnyan.

2 Petrus 1:21 Sabab, hántom na peusan Jehovah nyan atueh keuheundak manusia. Teuma Roh Jehovah geukuasa manusia keuteupeusampoe peusan nibak Jehovah nyan keudroe.

1 Yahya 4:2 Meunoe kheueh cara jih mangat gata teupeue peu kheueh Roh Jehovah atawa kon: Ureuëng nyang jiaku bahwa Isa Almaseh geutreun lam donya sibagoe manusia, ureuëng nyan biet na Roh nyang teuka nibak Jehovah.

1 Yahya 5:7,8 Na Ihée droe saksi: 8 Roh Jehovah, ié ngon darah -- ban Ihée nyan jimeusaksi nyang saban.

Yudas 1:20 Teuma gata, Syedara-syedara lôn, peusaneut kheueh laju udeb gata ngon dasai jih iman gata ubak Isa Almaseh. Iman gata nyan suci lumpah na. Dan meudoá kheueh sabe ngon kuasa Roh Jehovah,